



# Youth 4 Global Goals

**NAKUUSA**  
Perorluartitsisa  
Spiren til en bedre opvækst

PEQOINNISSAO  
ATUGARISSAARNERLU



Isumaqatigiissut Jannuaarip 24-iani 2019-mi NAKUUSAp Kommunini Meeqqat Isummorsorfiinit isumaqatigiissutigineqarpoq NAKUUSAp kommunini Meeqqat Isummorsorii Kalaallit Nunaanni meeqqat tamaasa sinnerlugit oqariartortuupput.

”Uagut NAKUUSAp kommunini Meeqqat Isummorsorfiinit Peqqinnissaq Inuunerissaarnerlu suliniutigeqataaffigerusupparput, taamaaliornikkut nunarsuarmioqataansinni timikkut tarnikkullu peqqissuunissaq siunissami qulakkeeqataaffigisagatsigu.

NP Nunarsuarmi piujuaannartitsinissamut anguniagaat uagut-sinnut isumaqarput, peqqilluta siunissaq pitsaasoq nunarsuarmi qulakkeeqataaffiginiassagatsigu. Siunnersuusiarput Nunarsuarmi Anguniakkat pingajuat, Peqqinnissaq Inuunerissaarnerlu, sammivarput, tassani nuna tamakkerlugu kiisalu kommunerisatsinni meeqqat atugaanni inuunerissaarnerunissamut aqqiissutissat sammillutigit. Siunnersuutigisagut assigiinngitsut sisamaapput, ilaatigut timersorneq, unnuami angalaartartut, meeqqat angerlarfissaqanngitsut ornissinnaasaat kiisalu pimmatiginnittarneq siunnersuusiaralutigit. Meeqqat Isummorsorfiannit politikerit, aaliangiisartut, suliniutinut atuumassutillit suliffissuillu kissaateqarfigivagut Peqqinnissaq Inuunerissaarnerlu pimoorussamik sammisassagaat, tassani timikkut anersaakkullu peqqissumik inuunissaq inooqataanisarluk qulakkeerumallugit”.

## **Asasavut politikerit aaliangiisartullu, ilissinnut siunnersuutigerusutagut ukuupput:**

- Pimmatiginnittarneq sukannersumik inuiaqatigiinni suliniutigineqarfigineqassasoq
- Meeqqat unnuami sumiiffissaaruttut silami aniiginnartut tamarmik orniguffissaqarsinnaalissasut
- Nunaqarfinni illoqarfinnilu timersornerup iluani timersortarfiit pitsaasut eqqiluutsullu periarfissaassasut
- Sineriak tamarmi unnuami inersimasunik angalaartunik peqalissasoq

## Asasavut suliniutinut attuumassutillit suliffissuillu, ilis-sinnut siunnersuutigaarput:

- Suliffissinni pimmatiginnittarneq pillugu qaqilertuillusilu sammisaqartassasusi, sualuppoq meeqqanik sullitaqarussi
- Meeqqat unnuami sumiiffissaaruttut orniguffigisinnaasaannik suliniuteqaqataassasusi
- Sumiiffigisassinni timersorfigisinnaasanik pitsaasunik periarfissaqarsinnaalersitsineq taakkuninngalu eqqiliuitsuut-sinissaq suliniutigissagissi
- Unnuami natteravnitit ittunik pilersitsinissaq suliniutigis-sagissi

## Uagut meeqqat taakku suliniutit inuiaqatigiinni kom-munerisatsinnilu suliniutigissallugit immitsinnut pi-sussaaffilerpugut. Taamaattumillu uku pilersaarutit suliniutigissallugit aaliangiuppagut:

- Qeqqata Kommuniani pimmatiginnittarneq pillugu kom-muni suleqatigalugu suliniutigissallugu aaliangiupparput, tassani allaat suliffeqarfiit suliniutitsinnut suleqatiseralu-git, atuarfiit pulaartarumallutigit nakuusaaqqallu suleqati-seralugit.
- Kommune Kujallermi kommuni suleqatiserivarput kom-munimi illoqarfiit nunaqarfiillu meeqqat unnuami ornissin-naasaannik suliniuteqarusulluta, suliniutinut attuumassuti-lit suliffeqarfiillu aamma suleqataanissaat angujumallutigu.
- Avannaata Kommuniani timersorfissat pitsaasut suleqata-affigiumavagut, ilaatigut timersortarfinni aserfallassimasut aaqqeeqataaffigerusullutigit kiisalu nunaqarfinni timersor-figisinnaasat pitsaasut periarfissallu aamma suleqataaffi-gerusullutigit
- Kommuneqarfik Sermersuumi illoqarfiit nunaqarfiillu ta-marmik unnuami angalaartartussanik pilersitsinissaq sunngiffimmi namminerisamik suliniuteqartartut kommu-nilu suleqatiserivagut, taakkulu pilersitseqatiseralutigit.



**NAKUUSA**  
Perluartitsisa  
Spiren til en bedre opvækst